

ՀՀ Ֆինանսների նախարարության 05.11.2022 թվականի որոշումը վերացնելու պահանջը դիտել որպես ածանցյալ պահանջ, ուստի հիմնական պահանջի մերժման պայմաններում, Դատարանը գտնում է, որ այն նույնպես ենթակա է մերժման:

Հետևաբար, նման պայմաններում Դատարանը չի անդրադառնում լիազոր մարմնի՝ ՀՀ Ֆինանսների նախարարության՝ հայցվորին գնումների գործընթացին մասնակցելու իրավունք չունեցող մասնակիցների ցուցակում ներառելու գործողությունների իրավաչափության կապակցությամբ հայցադիմումում վկայակոչված հարցերի քննարկմանը:

Դատական ծախսերը.

Անդրադառնալով դատական ծախսերի բաշխման հարցին՝ դատարանն արձանագրում է հետևյալը.

ՀՀ քաղաքացիական դատավարության օրենսգրքի 101-րդ հոդվածի համաձայն՝ դատական ծախսերը կազմված են պետական տուրքից և գործի քննության հետ կապված այլ ծախսերից:

ՀՀ քաղաքացիական դատավարության օրենսգրքի 109-րդ հոդվածի 1-ին մասի համաձայն՝ դատական ծախսերը գործին մասնակցող անձանց միջև բաշխվում են բավարարված հայցապահանջների չափին համամասնորեն:

Վերոնշյալ հոդվածից հետևում է, որ օրենսդիրը դատական ծախսերի բաշխման հիմքում դրել է համամասնության սկզբունքը, որը պետք է համապատասխանի բավարարված հայցապահանջին:

«Պետական տուրքի մասին» ՀՀ օրենքի 9-րդ հոդվածի 1-ին մասի 9.4 ենթակետի համաձայն՝ Հայաստանի Հանրապետության քաղաքացիական դատավարության օրենսգրքով սահմանված կարգով դատարաններ տրվող հայցադիմումների, դիմումների, դատարանի դատական ակտերի դեմ վերաքննիչ և վճռաբեկ բողոքների համար պետական տուրքը գանձվում է հետևյալ դրույքաչափերով՝ «Գնումների մասին» Հայաստանի Հանրապետության օրենքի 6-րդ հոդվածի 2-րդ մասով նախատեսված որոշումների բողոքարկման հետ կապված վեճերով՝ բազային տուրքի 50-ապատիկի չափով:

Հաշվի առնելով, որ հայցվորի կողմից նախապես վճարվել է պետական տուրքի գումարը, իսկ հայցն ենթակա է մերժման, ուստի Դատարանը գտնում է, որ պետական տուրքի հարցը պետք է համարել լուծված:

Դատարանը, նկատի ունենալով, որ սույն գործի շրջանակներում այլ դատական ծախսերի հետ կապված պահանջ չի ներկայացվել, գտնում է, որ դատական ծախսերի հարցը պետք է համարել լուծված:

Հիմք ընդունելով վերոգրյալը և ղեկավարվելով ՀՀ քաղաքացիական դատավարության օրենսգրքի 189-րդ, 191-րդ, 192-րդ, 234.5-րդ, 234.12-րդ հոդվածներով՝ Դատարանը

Վ Ճ Ո Ւ Յ

«ԼԵՈՊՈԼԴ ԵՎ ԸՆԿԵՐՆԵՐ» ՍՊ ընկերության հայցն ընդդեմ ՀՀ տարածքային Ֆինանսների նախարարության, ՀՀ նախարարության՝ գնումների գործընթացին մասնակցելու իրավունք չունեցող մասնակիցների



ցուցակում ներառելու վերաբերյալ 20.09.2022 թվականի հրամանն անվավեր ճանաչելու, «ԼԵՈՊՈԼԴ ԵՎ ԸՆԿԵՐՆԵՐ» ՍՊ ընկերությանը գնումների գործընթացին մասնակցելու հրավունք չունեցող մասնակիցների ցուցակում երկու տարի ժամկետով ընդգրկելու վերաբերյալ ՀՀ ֆինանսների նախարարության 05.11.2022 թվականի որոշումը վերացնելու պահանջի մասին, մերժել:

Վճիռն օրինական ուժի մեջ է մտնում հրապարակման պահից:

Վճիռը կարող է բողոքարկվել ՀՀ վերաքննիչ քաղաքացիական դատարան՝ հրապարակելու օրվանից մեկամսյա ժամկետում:

ԴԱՏԱՎՈՐ՝



Հ. ԶԱԼԱԼՅԱՆ

Ծանոթություն: Սույն վճիռի դեմ վերաքննիչ բողոք չի ներկայացվել, և վճիռը մտել է օրինական ուժի մեջ _____ 2023 թվականին:

ԴԱՏԱՎՈՐ՝

Հ. ԶԱԼԱԼՅԱՆ